

SULIT

**PEMBERITAHUAN PERTANYAAN DEWAN RAKYAT
MESYUARAT KETIGA, PENGGAL KELIMA,
PARLIMEN KETIGA BELAS**

PERTANYAAN : BERTULIS

**DARIPADA : DATO' SRI HASAN BIN MALEK
[KUALA PILAH – BN]**

SOALAN NO. 32

Minta **MENTERI BELIA DAN SUKAN** menyatakan apakah perancangan pihak KBS dalam memantau pencapaian atlet pelapis negara yang berusia di bawah 21 tahun sebelum mereka diberi peluang menggalas cabaran di temasya sukan yang lebih besar kelak.

84

SULIT

JAWAPAN

Yang di-Pertua,

1. Kementerian Belia dan Sukan melalui Majlis Sukan Negara telah merancang untuk melaksanakan penambahbaikan program pembangunan atlet pelapis seperti Program Pelapis (meliputi Pelapis Kebangsaan, Pelapis Serantau dan Pelapis Negeri), Program Bakat serta Program Sukan Pilihan.
2. Program Pelapis yang dilaksanakan untuk menambah bilangan atlet-atlet pelapis untuk diserapkan ke program atlet senior yang merangkumi peringkat umur dari 13 hingga 17 tahun. Ia dilaksanakan bersama dengan *stakeholder* yang lain seperti Kementerian Pendidikan Malaysia (KPM), Institut Sukan Negara, Majlis Sukan Negeri-Negeri, Persatuan Sukan Kebangsaan serta Persatuan Sukan Negeri.
3. Pelaksanaan Program Bakat pula adalah untuk menyediakan kumpulan bilangan atlet-atlet muda yang berbakat mengikut sukan masing-masing di seluruh negeri. Kumpulan atlet yang berumur 15 tahun ini mempunyai bakat kemahiran sukan yang dikesan awal oleh jurulatih tempatan dan berpotensi untuk mencapai kejayaan di kejohanan-kejohanan peringkat remaja kebangsaan dan antarabangsa.
4. Atlet-atlet terbaik bagi kategori remaja akan dipilih bagi mewujudkan kumpulan atlet sokongan kepada atlet senior sedia ada. Kumpulan

SULIT

atlet ini nanti dijangka akan dapat mewakili negara ke temasya Sukan SEA pada tahun 2019 dan 2021.

5. Bagi Pelapis Serantau, para atlet di program ini akan diberi peluang pendedahan latihan dan pertandingan yang berkualiti dan berterusan. Kerjasama dengan beberapa badan sukan di kalangan negara Asia Tenggara akan dimulakan bagi membolehkan atlet-atlet ini diberi peluang untuk bersaing dengan atlet negara lain.
6. Begitu juga dengan Pelapis Negeri, pendedahan latihan dan pertandingan yang tersusun diberikan bagi memastikan atlet-atlet muda ini mendapat pendedahan yang secukupnya.
7. Sukan Malaysia (SUKMA) merupakan satu platform terbaik untuk mengetengahkan atlet-atlet muda yang berpotensi untuk diserapkan ke dalam program pelapis negara yang seterusnya akan mewakili negara di peringkat antarabangsa.

Sekan, terima kasih.